

續
滎陽縣志

卷一至三

地 159 15
41
部 213

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

晴窗墨戲

續滎陽縣志序

有國史有民史國盛而民史盛國衰而民史衰擊壤之歌與人之誦
輶軒甄采詢于芻蕘此民史所由盛也文字之獄觸手犯禁鉤黨之
禍起於清議此民史所由衰也竊謂六經皆史也詩三百篇一詩史
也民之喉舌播爲歌謠國風諸篇爲民史所託且部居于清廟雅頌
之先儻所謂民爲貴社稷次之君爲輕者非歟詩亡而後春秋作春
秋亦一史也一字之褒榮于國之華衰一字之貶嚴于國之斧鉞孔
孟繼作且用以正人心息邪說泊乎嬴秦焚儒書禁偶語防民之口
甚于防川歷代奉爲心傳由是鬱積醞釀而爲近十年辛亥之共和
蓋上焉者無民史爲之借鏡下焉者無民史爲之通郵而政體以革
民史之興廢誠大矣哉雖然吾國一千七百餘縣之縣志皆史乘也
且一民史也古之百二十國寶書殆相近似然溯其編年遠在百世
乾嘉以上攷其作者成于一二宰官之家點綴人文紀錄風土與二
十四姓粉飾承平之國史若合符節蓋亦時代爲之第有修史之權
未能盡良史之職余自丁年稍稍治史輒引以爲憾壬戌春來宰是
邦得讀邑紳張梧閣先生慘淡經營之滎陽續志是書由先生草創
而潤色盧荔青張潤蒼孫信臣諸先生底成討論之功洵可謂懸之
國門難易一字退食之暇瀏覽一過實獲我心慨然曰民有史矣今

試語其犖犖大者舊志成于乾隆十一年山脈河流語焉未詳一國
文明之傳播以河流爲利器吾國之文化起于黃河流域盛于楊子
江流域而中間爲之過渡者厥唯淮水淮水上游爲賈魯河滎陽之
京索須汴四水又爲賈魯河之上游訪諸父老昔年河流盛時滎之
商舶可航周家口與朱仙鎮故賈魯河在滎有重源西源在大周山
東之楊五溝東源在王塔里之暖泉與冰泉余曾裹糧入山探河源
焉今閱新志京索須汴四水纒晰詳明誠爲急所先務蓋爲民族進
化之一徵三代以上之人才皆出于學校夏曰校殷曰序周曰庠皆
鄉學也國學則大學也由鄉學升國學曰士由國學拔其俊士入官

後之科舉亦稱以士襲其名已非其制秦漢而降改爲辟召選舉考
試捐納而人才日竄由是科舉廢而學校興學校爲吾國舊物復古
制非變新法也舊志選舉止于五貢新志以今之中學畢業職與五
貢齊等凡中學以上畢業及同等者皆依次列入非僅援古例今亦
令數典者不忘其祖且于官私各學校之沿革圖誌記載特詳滎陽
教育本爲他邑冠有此益足以提倡宗風而楷模多士蓋爲民政發
達之一徵昔賢謂史有三難曰才曰學曰識張先生輩之史識高挹
羣賢令人膺服自癸亥以至甲子陳先生耀庭獨任校讐刊印之役
屢徵序于余余以素所心折之書未便以不文辭譚隨劉張諸太令

之後弁以一言唯下走尙有芻議與諸先生商榷者史漢之精神萃于圖表擬請于志末附列學校統計工業統計蠶絲統計等表富教兩端民政先河後之來者庶有鑒于是書未知矇眛之詞有當于大雅閱達否民國十三年六月既望榮陽縣知事杭縣梁有庚序于望耕亭

續滎陽縣志序

邑之有志徵千秋之文獻訪故實搜廢墜昔時風氣沕穆闢幽隱
得名人筆墨往往山川增其色迄今江河日下茲事中擱久矣願國
家無數十年不變之政體杞宋無徵士林增恥况世局滄桑其間天
文之躔度地理之變遷漕糧之折色公署學舍之移易水利隄防之
興廢以及先賢循吏孝義節烈藝文金石隱逸方技與雜志中宜表
章而續錄者不無湮沒遺漏之憾鄙人初攝榮篆首以此事爲守土
之責爰聘張梧閣先生主其事用寶興公儲爲經費事未半而瓜代
者至蒞溫以來簿書旁午眷懷舊雨每擬函詢前途適梧閣先生遠

續滎陽縣志

卷一 序

四

河南商務印書館

惠德音以修志告竣求作序文弁諸簡端鄙人才疎識淺無樂羊子
七載之勤何能爲李秦伯一字之師惟事屬局中樂與觀成諸君以
博雅之才果克鉅篋前賢如康對山之志武功韓五泉之志朝邑則
列名^二編鄙人亦有榮施也是爲序

中華民國十一年歲次壬戌孟冬前滎陽縣知事現署溫縣知事內
鄉劉海芳撰

續滎陽縣志序

天果有畔岸乎吾不得而知也而人之經之緯之分之度之者以爲識而已矣地果有疆域乎吾不得而知也而人之區之別之國之縣之者以爲治而已矣譬之於農一人能耕百畝之田乎必數人分任之而後可世界之區而爲國國之區而爲省爲道也亦然至區而爲縣斯蕞爾小矣以視國千之一以視世界不過億兆之一若以視天空諸星球太倉穊米恐不足以爲喻也然則國有史矣省有通志矣區區一邑奚志爲然古者大國地方百里小國五十里今之縣大者乃數百里以視古之大國且數倍之况四境之內有土地焉有民人

續滎陽縣志

卷一 序

五

河南商務印書館印

焉有政事焉故欲治一國者必自一縣始是則邑之有志亦以爲治而已矣民國七年冬余奉檄攝滎篆至則聞前任劉君香波與邑之紳耆倡議修邑志未果也思繼而成之按邑志修於清乾隆之初年至今幾二百年是誠不可緩之事乃請邑名宿張梧閣大令開局領其事兼編輯梧閣又挽余西席盧君荔青爲主筆屬歲歉款絀屢作輟越二載而草創初竣而余適奉命調省去憶余自民國七年冬來滎滎風以文明著稱至則見所謂教育實業者已不如所聞中經荒旱癘疫兵革至今各辦公機關以財政枯竭皆擱淺余自愧力薄能鮮廢者莫能舉也二年成績乃僅此良自愧矣然一縣之田賦掌故

得此而瞭如指掌則將來之講求治道者未始不可以此爲嚆矢云
中華民國十年元月署理滎陽縣知事新鄉張向晨倚裝序

續滎陽縣志

卷一

序

六

河南高潔印刷所印

續榮陽縣志序

志所以考古徵今也不考古莫由鏡已往不徵今無以信將來欲取信於將來弗借鏡於已往恐稍違乎古或貽笑於今此志貴徵今尤貴考古也榮陽縣志創始無聞滿清而後一修於康熙庚申再修於乾隆丙寅迄今百有六七十年矣掌故散亡文莫由考老成凋謝獻不足徵賢士大夫雖或弔古傷懷撫今增慨亦往往抱殘守缺憚於續修者大都以此邑人張君梧閣先生由優貢朝考籤分四川候補知縣既飽乎學識又富於閱歷值清季世翩然歸里提倡一切新政爲地方興利除弊黽勉弗遑民國七年百廢具舉又出其餘力邀集

續榮陽縣志

卷一 序

七

河南商務印書館印

同人李唐文瀛仙張大令潤蒼李明經經五等議續縣志開局籌辦除各區賢達分任徵探外經理纂修皆由先生擔任蓋亦不憚勞矣是年臘月鄺南舊友張君靜軒適奉憲檄委署榮陽縣篆極力贊成熱心籌款且恐先生一人兼數人之任未免太勞次年正月即邀余往教其女公子并以志局主筆相商余雖樸味焉敢擔此巨任嗣後謬蒙先生枉顧暨瀛仙潤蒼等公同而訂兼浼署內幕友王君朗山從中懇懇辭不獲已許以分勞代爲考古俾先生得專力於編輯而余亦得於誼讀餘暇借局中書寢爲饋焉以溫習舊日之所學未始非互相觀摩之道也惜體例初定編纂方殷而暑假筆停同人星散

至冬十月局乃重開先生因偕其同志孫君信臣來局贊襄復得與談詩論文暢抒襟概時或追隨先生騎驢登山渡橋觀水以爲考訂之助從此以往協力奮進庶幾尅期可以告成矣不意風雲陡變豫西陷危滎陽局所借屯重兵而志事又爲之一停且旱荒成災救急不暇學務實業概已停辦志局亦不能獨存矣幸先生數年心血專注於此局雖停而志不懈人已散而書可通迨解館家居猶復在遠不棄郵筒相商以底於成雖得預其事稍參末議蓋衛正叔之注禮記惟恐一語不出諸人而先生則自始至終一手編輯如太史公之作史記歐陽子之修五代史或質諸耆舊見聞或證以金石

記錄無一不足徵信於將來其足以傳後也必矣不禁戰然喜喜其有志竟成也又不禁慙然愧愧考据穿鑿也而先生虛懷若谷故交不忘猶復再三函訂弁言是責俾得名附驥尾以分榮焉雖不敢穢汚佛頭譏貽僭妄使終竟不言孰知是書盡出先生一手由是不憚輾述其梗概而爲之序後之生長於斯宦遊於斯者庶幾可徵今考古踵事增華乎

民國九年歲次庚申仲冬黎陽盧以治謹撰

叙

維我大中華民國之十年續修縣志新脫稿宗兄梧閣囑余曰子其以一言弁其首余披覽一過竊佩宗兄用心之苦用力之勤且然歎斯舉關於人羣進化之大也夫滎陽猶是也滎陽縣志猶是也然而今日之中國非復昔日之中國則今日之滎陽亦非復昔日之滎陽矣昔日之中國帝王之中國也今日之中國人民之中國也則昔日之滎陽爲帝王之滎陽今日之滎陽人民之滎陽矣帝王之中國專制之中國也人民之中國共和之中國也則帝王之滎陽爲專制之滎陽人民之滎陽爲共和之滎陽矣專制之中國君治之中國也共和之中國民治之中國也則專制之滎陽爲官治之滎陽共和之滎陽爲民治之滎陽矣凡此皆作志者之所着眼亦覽志者之所當注意也夫自其分而觀之吾人各有身家自其合而觀之吾人又皆邑中一分子一邑治則俱蒙其福一邑不治則俱受其害即在專制之世自謀之方猶不可緩而況其在共和之時哉田疇多瘠何以肥之水利未興何以開之林業未茂何以殖之煤礦甚富何以采之工藝多窳何以精之商業蕭條何以振之財政未裕何以理之學校無多何以廣之道路多壞何以平之橋梁多缺何以修之盜賊未靖何以弭之賭風未息何以止之煙害暗滋何以除之疫癘時行何以防

之凡此皆自治之所有事即皆覽斯志者之所當講求也果能同心協力興利除害精益求精益求美使蕞爾小邑風俗文化蒸蒸日上成極樂之國如黃帝夢遊之華胥如西哲理想之烏托則斯志之作豈僅日記往蹟備遺忘而已哉是役也前任內鄉劉君蕪波提倡之繼任新鄉張君靜軒開辦之宗兄梧閣總理之編輯之八區紳董采訪之滑縣盧君荔青博考之撰述之稿既就汲縣李先生敏修鑒定之余與孫君信臣亦時贊助之其前乎此采之而未編者清同治時邑令陸君儒學高君也此番編撰多資之蓋續志之作與舊相距幾二百年矣撫今追昔又不禁感慨係之

續榮陽縣志

卷一 序

十

河南商務印刷所印

中華民國十年夏邑人張雲謹撰

續滎陽縣志跋

縣志失修白六十餘年矣國體既更勢難再緩欸無可籌遷延又復數歲戊午秋內鄉繡波劉公海芳知邑事集邑士議因賓興局款尅期開局以新主其事極知學淺力衰不克勝任而義不敢辭不得不勉竭駑駘微探甫畢劉公調任武陟繼任爲新鄉靜軒張公向晨捐廉請滑縣盧荔青先生以治爲主筆先生爲當代名宿著作巨手才學識俱臻絕頂考據尤其所長以爲修志而毀削舊志非法之善惟河南通志續修新志仍存舊志體例不相沿襲而事實相接極爲得體可爲式法體裁既定遂與族弟雲孫君繩源從事編輯脫稿即呈續滎陽縣志

卷一 跋

河南商務印書館印

先生筆削先生爲嚴定去取刪繁訂謬一字未嘗輕易放過方冀指日蕪事竟以款罄中止張公以前功不可棄多方籌措停頓數月復開局正在進行九年五月第三師駐滎供意浩繁款遂無著局亦住兵荔青先生因之旋里乃携稿件返鄉就舍編輯嗣以籌賑公餘暇理前事每篇成仍寄先生校閱商榷疑難先生皆逐一批答不異在禁時計自五月停脩郵寄往返直至年終而先生編不憚煩誠人情所難也既成帙族弟雲詳加校讐呈張公裁定且請序公曰李敏修先生爲吾豫文宗邑人士多與相知蓋請是正雲曰吾素志也既經敏修先生鑒定然後乃完全竣備同治丁卯曾從公於坊矣既

具稿主筆乏人一擱五十餘年是役也歷時三載兩次中輟加以款
罄局散非得荔青先生之熱誠毅力始終不倦幾何不蹈丁卯覆轍
耶幸卒底於成爰述顛末遂付手民豈在

中華民國辛酉季春七十二歲老人張忻謹識

職名

鑒定

李時燦

字敏修 汝縣人

裁定

劉海芳

字海內 鄆縣人 樂陽縣知事

張向晨

字靜軒 新鄉縣人 樂陽縣知事

惲福鴻

字寬重 江蘇武進縣人 樂陽縣知事

梁有庚

字西仲 浙江杭縣人 樂陽縣知事

纂修

續樂陽縣志

卷一

職名

一

河南商務印刷所印

盧以治

字慈青 滑縣人

編輯

張 忻

字信開

分輯

張 雲

字潤蒼

孫繩源

字建華

參訂

侯詒淵

字贊深

袁樹藝

字樹人

王其昇 字顯人

較勘

張文青 字選卿

崔可鑑 字資卿

趙之奇 字少穎

王錦堂 字維亭

姚煥光 字明甫

孫寅恭 字協宸

王政琚 字朝山密縣人

續滎陽縣志

卷一

職名

二

河南商務印刷所印

徵探

馬廷俊 字良甫

楚毓珍 字聘卿

王謙吉 字益堂

汪曉帆 字仙舫

李毓嵩 字宜甫

茹海量 字涵岑

孟憲典 字慎五

劉德芬 字德甫

張景斌 字敬庵

孟憲揚 字烈臣

陳忠武 字鼎臣

任 鎔 字玉亭

陳景範 字子賢

鄭夢梯 字雲亭

蔡 俊 字子珍

馬 範 字洪甫

特別徵採

續蔡陽縣志

卷一

職名

三

河南商務印刷所刷

賈心如 字怡安

繪圖

陳 萱 字春堂

張全福 字源之

李鴻筠 字師竹

蔡兆麟 字振亞

總理

陳應旗 字耀庭

經理